



Siiraa (Seena Nabiyii (SAW)) irraa barnoota

*Qabeenyi hundarra gaariin namni  
argatu qabeenya harka isaatiin itti  
ifaafe (carriagee) angatuudha.*



## Siiraa-Lakk.8

### Description

#### Hojii Tiikaa irratti Bobbaâ€™uu

Nabiyyiin (salallahu aleih wassalam) erga akaakayyuun isaa duâ€™ee booda abbeeraa isaa, Abu Xaalib jalatti guddifamu fi kunuunfamu jalqabe. Abu Xaalib nama galiin isaa xiqqaa taâ€™eedha. Nabiyyiin abbeeraa isaa kana gargaaruf tiiksee taâ€™uun hoolota eege. Nabiyyiin (SAW) isaa fi nabiyyooni isaan dura darban hoolota akka tiksan ni beeksiisa. Inni warra Makkaatiif yeroo ijooollummaa hoolota tiksaa ture. Haqa isaas (mindaa) abbaa hoolotaa irraa ni fudhata. Hadiisa sahiih taâ€™ee keessatti Ergamaan Rabbii (SAW) akkana jedhan: â€œRabbiin nabiyyi hin ergine, hoolota kan tiikse yoo taâ€™ee malee.â€ Sahaabonni (namoonni nabiyyi waliin turanii fi amanan) ni jedhan, â€œAtilee moo?â€ Nabiyyin is ni jedhe, â€œEeti! Warra Makkaatiif Qaraarixa irratti tiksafii ture.â€ [Sahih Al-Bukhaari 2262](#)

Hayyooni Qaraarixni hiika lama akka qabu dubbatani jiru. 1ffaa-Qaraarixni maqaa bakkaa Makkaan keessatti argamuudha, 2ffaa-Saantima yeroo sanii Diinaara ykn Dirhaama irraa hanga taâ€™eedha. Akka hiika kanaatti hiikni hadiisaa akkana taâ€™a: Nabiyyiin (SAW) mindaadhaan hoolota tiksaa ture.)

Dhugumatti hoolota tiksun Nabiyyiif tasgabbii nafseen kabajamtuun barbaaddu kennaaf. Akkasumas, miidhaginna gammoojjitti akka gammaduu fi uumamtoota Rabbii irratti xinxalluun Guddinna Rabbii akka beeku isa taasisa. Tiiksen tiika isaa keessatti amaloota miidhagoo baayâ€™ee argata. Nabiyyiif hoolota tiksun ummata hoogganuu keessatti shaakallii fi leenjii guddaa taâ€™eefi jira.

#### Hoolota tiksun abbichaaf (tiikseef) amaloota gaggaarii baayâ€™ee kennaaf. Isaan keessaa:

**1-Obsa (Sabrii)**â€“ Ganama irraa kaasee hanga galgalaatti dirqamni tiikse irra jiru, garaa hoolota quubsu fi badii irraa eegudha. Haala kana keessatti tiikseen obsa isa barbaachisa. Haaluma kanaan dhala namaa guddisuu fi barsiisu keessatti obsa guddaa barbaachisa.

Dhugumatti tiikseen gamoo keessa ykn mana qananii keessa hin jiraatu. Kan inni jiraatu qilleensa baayâ€™ee hooâ€™aa ykn baayâ€™ee qorraa taâ€™e keessa. Keessumayyu naannoo Arabiyyaatti hooâ€™i baayâ€™ee guddaa waan taâ€™eef, dheebuu bahuuf bishaan qorraa fi baayâ€™ee taâ€™e isaa barbaachisa. Nyaatas yoo taâ€™e wanta akka xoroshoo fi qixxa malee nyaata gaarii hin argatu. (Tarii

warri magaalaa qofa keessa jiraatan xoroshoon maal akka taate wallaalu dandaâ€™u. Xoroshoo fi qixxaan garagara. Xoroshoon haphii fi gogduu yommuu taatu eelee sibila irratti tolfamti. Qixxaan immoo furdaa yommuu taâ€™uu eelee faaraa (suphee) irratti tolfama. Namni tiikse taâ€™e kana sirriitti beeka.) Gabaabummatti jirenyi tiikse baayâ€™ee ulfaataa waan taâ€™eef, haala jabaataa kan hunda dandaâ€™uun isarra jira. Barachuun obsuu qaba.

**2-Of gadi qabuu (At-Tawaaduâ€™u)-amalli** hojii tikaan hoolota fi reâ€™oota tajaajiluu, yommuu dhalan isaan tooâ€™achuu, bineensa irraa isaan eegu fi isaanitti dhiyaatani rafuudha. Kunniin itti gaafatamumma guyyaa guyyaa tiikseti. Tiiksen hoolotaa fi reâ€™ootatti dhiyoo taâ€™uu irraa kan kaâ€™e yeroo garii fincaanii fi shishiin isaanii isa tuqa. Innis kana hundarrraa hin hifatu, hin aarus. Akkuma hojiin isaa kuni itti fufuuni nafsee isaa irraa of tuuluu fi of guddisuun fagaata. Nafsee isaa keessatti amalli of gadi qabuu hidda qabata. Hadiisa sahiih taâ€™e keessatti, Ergamaan Rabbii (SAW) akkana jedhanii jiru: â€œNamni hanga firii raafu qalbii isaa keessaa of-tuuluu (boona) qabu, Jannata hin seenu.â€ Namtichi tokko ni jedhe, â€œDhugumatti namni tokko uffanni isaa gaarii akka taâ€™u, kopheen isaas gaarii akka taatu ni jaallata. [Kuni of-tuuludhaa?]â€ Nabiyyinis ni jedhan: â€œRabbiin Bareedhaa, bareedinna ni jaallata. Al-Kibr (Of-Tuuluu) jechuun haqa fudhachuu diduu fi namoota tufachuudha.â€ **Sahih Muslim 91**

**3-Gootummaa-** Tiiksen hoolonni isaa akka hin nyaatamneef bineensota waliin walâ€™aanso baha. Hoolota isaa waraabeessa, qeerransaa fi kkf irraa baraaruf goota taâ€™uuun isarra jira. Namni horii fi hoolota tiiksu yeroo jalqabaaf goota taâ€™uu yoo baateyyu, akkuma tiika isaa itti fufuun amala gootummaa gabbifataa adeema.

**4- Rahmataa fi mararfannaâ€“** akkuma namni dhibamu fi rakkatu, hoolonnis dhibee fi rakkinaaf ni saaxilamu. Yommuu hoolaan dhibamtu ykn cabdu wanti tiikse irra jiru, ishiif mararfachuu, ishii walâ€™aanu fi rakkina ishiif hirâ€™isuudha. Namni horiif rahmata godhuu namoota birootif daran rahmata godha. Keessumaayyu, ummata barsiisuuq, qajeelchuuf, dukkana keessaa akka baasuu fi ibidda irraa akka baraaruf nabiyii Rabbiin erge yoo taâ€™e, namoota hunda caalaa rahmata namaaf godha ykn mararfata.

**5-Dafqa ofiitiin galii argachuuf jaallachuu-** Dhugumatti Rabbiin subhaanahu wa taâ€™aala hoolota tiiksu irraa nabiyyi (SAW) duroomsu irratti dandaâ€™aadha. Garuu isaa fi ummata isaa harkaan hojjatanii fi dafqa xuruuranii nyaachu barsiisuf kana godhe. Hoolota tiiksun gosa harkaan hojjatanii nyaachuti. Namni jireenya kabajamtu jiraatu nama karaa halaalatiin harka ofiitiin hojjatee fi dafqa itti xuruurate galii isaa argatuudha. Nama kadhachuu fi karaa haraamatin galii argachuun salphinna. Waaâ€™ee nama qabeenya isa gahu osoo qabu nama kadhatu ilaalchisee Nabiyiin (SAW) akkana jedhan:

â€œNamni tokko [qabeenya] namoota kadhachuu itti fufa, hanga Guyyaa Qiyaamaa fuula  
isaatirra muraa foonii homaatu kan jiree taâ€™ee dhufuuttiâ€¢ [Sahih Muslim 1040](#) , Hadiisa biraa  
keessatti, â€œNamni [qabeenya ofii] baayâ€™ifachuuf namoota qabeenya isaanii kadhate,  
xiqqaates guddates wanti inni kadhatu barbadaa qofa.â€¢ [Sahih Muslim 1041](#)

Kuni qabeenyaa fi humna osoo qabanuu namoota kadhachuun garmalee jibbamaa akka taâ€™e agarsiisa. Kabajaa harka ofiitiin hojjatanii nyaachun qabuu Nabiyyiin (SAW) akkana jechuun ibsu:  
â€œÈÙ ÙŽØ§ ØÈÙŽÙfÙŽÙ„ÙŽ ØÈÙŽØÙŽØÙŒ ØÙŽØÙŽØ§ÙÙØ§ÙÙŽØÙÙ·

â€œEenyullee wanta harka isaatiin hojjatee nyaate caalaa gonkumaa nyaata gaarii hin nyaanne. Dhugumatti Nabiyyiin Rabbii Daawud (nageenyi isarratti haa jiraatu) wanta harki isaa hojjate irraa nyaataa ture.â€ Sahih Al-Bukhaari 2072

Kana jechuun nyaanni hundarra gaariin namni nyaatu wanta harka isaatiin hojjateedha. Asitti wanta harka isaatiin hojjate jechuun harka isaatiin hojjatee galii ykn qabeenya argatuudha. Namni harka ofiitiin hojjatee galii yoo argatee fi galii kanaan ofii fi namoota isatti hirkatan yoo nyaachise, dhugumatti nyaata gaarii nyaataa jira.

Shakkii hin qabu, namni harka ofiitiin hojjatee yoo of dandaâ€™ee fi Rabbiin malee eenyuma irrattillee yoo hin hirkatin, bilisummaa guutuu argata. Akkasumas, jecha haqaa dubbachuu irratti dandeetti horata. Namoota meeqatu namoota daangaa darbaniif mataa ofii gadi qaba, badii isaan hojjatan irratti ni calâ€™isuu. Mindaa argannuu ni dhabna jechuun fedhii isaanii hordofu.

## Barnoota Nabiyyiin (SAW) Hoolota Tiiksu irraa fudhatamu

Barnoota tiika hoolota irraa fudhatamu kan armaan oliiti. Nabiyyiin hoolota tiksuun amaloota gaggaarii armaan olii gabbifatanii jiru. Garuu yeroo ammaa namoonni baayâ€™een magaalatti godaanaa waan jiraniif carraa hoolota tiksu hin argatan. Kanaafu, barnoota akkamii isaaniif maluu tiika Nabiyyii (SAW) irraa fudhatuu dandaâ€™uu?

**A)-Haallî namoota nama guddisanii namatti dhagahamuu**“ Abu Xaalib Nabiyyiif (SAW) gargaarsa fi kunuunsa guddaa godhaafi ture. Garuu nabiyyiin jaalalaa fi kunuunsa kanatti gammaduun hin teenye. Haala abbeeraa isaa hubachuun yoosu gara hojiitti seenuun galii ofii fi abbeeraa ofii itti gargaaru barbaadeti. Namoonni gariin namoota biroo irratti hirkatan, nyaachu fi dhuguu malee homtu isaanitti hin dhagahamu. Taa™anii dafqa namaa nyaachu malee mataa ofiitii carraaquu hin barbaadan. Seenaa Nabiyyi irraa wanti barannu taa™anii nyaachu osoo hin ta™in hanga humni ofii danda™en hojii namaaf maluu hojjachuudha.

**B) Hojii Tuffachu dhiisuâ€“** Nabiyyiin â€œAni ganaa tiiksee taâ€™aa?â€• Jechuun hojii hin tuffanne. Namoota qabeenya kadhachuu salphinna akka taâ€™e, hojiin haa xiqlaatus harka ofiitiin hojjatanii nyaachun kabaja akka taâ€™e waan beekaniif hojii argatan gonkumaa hin tuffanne. Namni kana yoo beeke, hojii argate ni hojjata. Yoo hojii kana itti gammadee hojjate, suutuma suuta galiin isaa dabalamaaifi adeema. Naannoo keenya irraa kana ni hubanna. Hojii xiqlaatus hojjachuu sadarkaa namaa gadi hin buusu. Tiiksee hoolotaa taâ€™uun sadarkaa nabiyyi gadii buusee jira? Gonkumaa hin buusne. Ammas hayyooni (aalimman) Islaamaa nabiyyitti hidhatan xiqlaatus harka ofiitiin hojjatanii nyaachu jaallatu. Namoota kadhachuu garmalee jibbuu. Imaamu Ahmadakkana jechuun duâ€™aayi gochaa ture: â€œYaa Rabbii! Akkuma fuula kiyya wanta biraatiif sujuuda buâ€™uu irraa eegde, Siin ala wanta biraad kadhachuu irraayis na eegi.â€• Gabaabumatti, hojii halaala taâ€™e osoo hin tuffatin hojjachuu salphinna irraa nama eega.

**C) Qabeenyi hundarra gaariin qabeenya hojjatanii argataniidha-** addunyaa tana keessatti Rabbiin jirenya akkamii gabroota Isaatiif akka jaallatu hojji Nabiyyii (SAW) irraa ni baranna. Rabbiin Nabiyyii Isaatiif garmalee osoo hin carraaqinii fi hoolota hin tiksin, jirenya isaa keessatti haala lafaa taâ€™een qananiisu ni dandaâ€™aa ture. Garuu Ogummaan Rabbii nabiyyii fi Muslimoonni hundii barnoota baayâ€™ee barbaachisa taâ€™ee akka baratan agarsiisa. Barnoonni kunis: Qabeenyi hundarra gaariin namni argatu qabeenya harka isaatiin itti ifaaje hojjatuu fi tajaajila hawaasa isaatii fi ilma namaatif dhiyeessun wanta argatuudha. Qabeenyi hundarra badaan namni argatu immoo osoo humnaa fi fayyaa qabuu dugda isaatiin ciisee qabeenya isaaf kennamuudha.

Rabbitiin subhaanahu wa taâ€™aalaa Qurâ€™aana keessatti hojjannee fi ifaajne akka nyaannu nu ajaja:

هُوَ الَّذِي جَعَلَ لَكُمُ الْأَرْضَ ذَلِيلًا فَامْشُوا فِي مَنَابِكُهَا وَكُلُّا مِنْ رِزْقِهِ  
وَإِلَيْهِ النُّشُورُ



â€œInni dachii laaffifamtu Kan isiniif taasiseedha- kanaafu manaakiba ishii keessa deemaatii soorata Isaa irraas nyaadhaa. An-Nushuur garuma Isaati.â€ Suuratu Al-Mulk 67:15

â€œInni dachii laaffifamtu kan isiniif taasiseedhaâ€ kana jechuun wanta haajaa keessaniin wal qabate hunda akka argattaniif dachii tana Kan isiniif laaffise Rabbiidha. Mana akka irratti ijaarrattan, biqiltuu keessatti akka dhaabdan, midhaan ishii keessatti akka facaafattan, biyya tokkorraa biyya biraan gahuuf karaalee keessa deemtanii fi haajaa baayâ€™ee akka guuttatan dachii isiniif laaffise. â€œmanaakibaâ€ jecha kanaaf hayyoonni hiika sadiin ibsanii jiru: 1ffa-Manaakiba jechuun karaalee, 2ffa-Gaarreen, 3ffa-naannawa lafaa.[\[1\]](#)

Hiikni sadanu haala teessumma lafaa waan ibsuuf walitti dhiyaata. â€œManaakiba ishii keessa deemaaâ€ yommuu jedhu rizqii (soorata) barbaadachuu fi galii argachuuf karaalee, gaarreenii fi naannawa dachii keessa deemaa. Daldalaniis taâ€™ee karaa halaala biraan galiin itti argamu hojjachuuf dachii keessa deemaa. Garuu kana beekaa! Ifajee fi carraaqin keessan homaa buusu hin dandaâ€™u yoo Rabbiin isiniif laaffise malee. Kanaafi itti aanse ni jedha: â€œsoorata Isaa irraas nyaadhaa.â€ Rizqii (soorata) argachuuf carraaqun tawakkula (Rabbitiin irratti hirkachuu) hin faallessu. Sinbirreen ganama garaa qullaa baati. Yommuu ishiin guyyaa guutuu olii gadi battistu Rabbitiin ishii quubsa. Namni harkaan yoo carraaqe fi qalbiin isatiin immoo rizqiin Rabbitiin irraa akka taâ€™e yoo amane, Rabbitiin isaa quubsa[\[2\]](#)

â€œAn-Nushuurâ€ jechuun duâ€™aan booda kaafamuudha[\[3\]](#)â€œAn-Nushuur garuma Isaati.â€ Jechuun addunyaa qormaata tana erga ceetanii fi duutanii booda qorannoo fi jazaaf Guyyaa Qiyaamaa qabrii keessaa gara Rabbitiitti kaafamtu. Duâ€™aan booda isin kaasun wanta hojjataa turtaniif isin qorata. Ergasii nama gaarii hojjate mindaa gaarii kennaaf, nama badii hojjate immoo adabbii isaaf malu adaba. Kuni kan agarsiisu: rizqii yommuu barbaaddatan karaa halaala taâ€™een barbaadadhaa. Karaa halaalaatin erga argattanii boodas hojji gaarii boru Guyyaa Qiyaamaa isin fayyadu ittiin dalagadhaa. Qabeenya karaa haraamaatin walitti qabuu irraa of eeggadhaa, boru Guyyaa Qiyaamaa qorannoo cimaa waan qoratamtnaif. Ammas, qabeenyi keessan zikrii Rabbii fi salaata irraa isin hin koâ€™oomsin (biizi

isin hin godhin). Namni qabeenyi isaa salaata fi zikrii irraa isa garagalche nama kasaaru waan taâ€™uuf.

Gabaabumatti, namni soorata (rizqii) argachuuf karaa halaalatin carraaqu qaba. Ammas, yommuu carraaqu, salaata fi zikrii Rabbii dagachuu hin qabu. Rabbiin subhaanahu wa taâ€™aala namoota Isa faarsanii fi qulqulleessan daldalli fi gurgurtaan salaataa fi zikrii irraa kan isaan hin koâ€™oomsinee taâ€™uu akkana jechuun faarse:

رِجَالٌ لَا نُلَهِّيهِمْ بِحُرَّةٍ وَلَا يَبْعَدُنَّ عَنْ ذِكْرِ اللَّهِ وَإِقَامِ الصَّلَاةِ وَإِيَّاهُمْ الْزَّكُورَةُ  
يَخَافُونَ يَوْمًا نَّتَّقْلِبُ فِيهِ الْقُلُوبُ وَالْأَبْصَرُ



â€œDhiirota daldallis taâ€™e gurgurtaan yaadannoo (zikrii) Rabbii irraa, salaata sirnaan salaatu fi zakaa kennuu irraa isaan hin dagneetu (hin garagalchinetu) [masjiidota keessatti Rabbiin faarsa, qulqulleessa]. Isaan Guyyaa isa keessa onnee fi ijji itti gara gaggaltuu sodaatu.â€ Suuratu An-Nuur 24:37

### Kitaabban wabii

[As-Siiratu Nabawiyati](#)â€“fuula 54-56, Alii Muhammad Sallaabi, [Noble Life of The Prophet](#) [English] 1/92-96

[1] Tafsiiru Ibn Kasiir 7/334, Zaadul Masiir fuula 1457

[2] Tafsiir ibn Kasiir 7/333-334, Tafsiiru Saâ€™dii 1034

[3] [Maâ€™aariju Tafakkuri wa daqaaâ€™iqu tadabburâ€“](#) 14/624 , Abdurahmaan Habanka

### Date Created

August 23, 2019

### Author

admin